



Georg 947



Georg-B.

504

Handwritten text on the right edge of the page, likely bleed-through from the reverse side. The text is partially obscured and difficult to decipher, but appears to contain names and possibly dates.

8
Widder die Bullen des End-
christis: Doctor Marti-
nus Luther.

Zwittembergk.

Im Jar. M. D. Xx.

Ihesus.

Allen Liebhabern Christlicher war-
heit/den gebe got seine gnad vnd friden/ Amen.



S ist yderman fast offinbar/wie ich nu
rnz dritte Jar/mit dem lügenhafftigen
geschefte des ablas/dadurch die Chri-
sten viel iarlang schedlich vnd schendlich
vorfuret/vnd vmb's gelt bracht sein/in ei-
nen wusten handel vnd streyt kommen
bin. Vnd die sach durch etlich ablas vorfechter/da die
selben sahen keinen grund haben/szo weyt eingerissen/
das auch von Bepstlichem gewalt vnd stand gehädelt
ist/durch wilchen sie allein/bissher erhaltenn/was sie
nur gewolt haben/ob sie schon widder mit schriffte
noch mit vomunfft sich grundetē/ia wider alle schriffte
vnd vomunfft glaubten vnd lereten. Den ob sie wol
wissen/das Bepstlich gewalt zu mehr mal schwerlich
geyrrret/vnd noch teglich yrret/das sie es selb nit leug-
nen kunden/Dennoch/wo sie in yhrem furnehmen sei-
nen willen haben inugen/vnter stehen sie sich dasselb de
einfeltigen volck nit allein einzubilden/als ein vnwid-
dersprechliche Christgleubige warheit/szondern/mach-
en auß der selben Bepstlichen gewalt/wen vnd wo
sie wollen/eine Christenheit odder Christliche kirche/
Vnd das thun sie darumb/den die weyl sie wissen/vñ
war ist/das die gemeyne Christliche kirche (das ist al-
le Christen semplich in aller welt) nit yrre mag/schmie-
ren sie vns das maul/vñ auff das yhre blinde fürschele-
ge/vonn dem armenn volck werd für vnyrig/gewisse
Christliche warheit auffgenömen/geben sie für/was
sie also durch Bepstliche gewalt/der yrren mag/ein-
tragenn/hab die Christliche kirche/die nit yrren mag/

eintra
Bap
Vnd
ertich
ren/
Chri
den v
ich g
ge.
solch
stlich
walt
wie v
land
gede
best
che
A
das
brac
sche
sche
best
such
wa
wo
ang
sch
sein
bin
der
ho
bed

eintragenn / sol allein darumb nit geyrret sein / das der
Papist yhn zugefallen ist / furen vns also mit der nasen /
Vnd als sanct Peter hat von yhn gesagt / mit falschenn
ertichten wortten / nach yhrem geitz / mit vns handhie
ren / das wir den yrenden Papst / sollen die vnyrende
Christheit heysen vnd vorstahn lassen / doch nit ehe /
den wo sie sein bedurffen zu yhrem vorteyl / sonst / wie
ich gesagt / bekennen sie wol / das er yrrt vnd yrren mu
ge. Was yrthumb / bosser tuck vnnd stuck / sein durch
solch kauckel spiel / vnter dem heyligen namen der Chri
stlichen kirchen vnd freuelen bedrewen Bepstlicher ge
walt / vnns arm volck trieben / wie viel seelenn vorterbet /
wie viel mord geschehen / vnnd blut vorgossen / wie viel
land außgefogen vnd vorterbet / das es gewollich ist zu
gedencken / wilchs allis mit keinem andern behelff ist
bestanden / den das sie geplerret haben / yhre Christi
che kirche der Papst / muge nit yrrren.

Also auch hie / da sie das schiff vorfuret hatten / vnd
das nackt / vngegründt / betrieglich Abblas auß liecht
bracht / zuschanden worden ist / daneben viel andere fal
sche lere / so sie biszher / mit gewalt getrieben / vnd sie nu
sehen / das es widder mit schiffen noch vomunfftent
bestehen muge / thun sie wie yhr art vnd gewonheit ist /
suchen yhren letzten behelff / Bepstlichen freuel vnd ge
walt / vnterstehen sich mit nackte / gewaltigen / freueln
wortten / mich vnd meyne buchle vnyberwunden / on
angetzeygte vsach zuuordammen / vnnd ketzerisch zu
schelten / zuuorpietten vnd zuuorprennen.

Nu weysz ich wol / das kunst vn freuel zwey ding
sein / vnnd ich den vnkunstigen freuel nit achte / Szo ist
bucher vorprennē so leicht / das es auch die kinder kun
den / schweyg dan der heylig vatter Papst / vnnd seine
hochgelerent / welchen es yhe feyn anstund / meynis
bedenckens / das sie etwas mehr kunst beweyseten / den

bucher vorprennen. Vber das /thar ich auff mein ge-
wissen sagen /das ich nit liebers habē mocht / den aller
meiner bucher vntergäg /wilch ich auch nur habe must
lassen außgahen /die leut vor solchen yrthumen zuwar-
nen /vnd in die Biblien zufuren / das man der selbenn
vorstandt erlangt /vnd dan meine buchle vorschwinden
liesz. Ach got were der vorstandt der schriffte in vns /ann
meinen buchle were nichts gelegen. vnd got weysz es /
das ich nit liege /wenn solch mein vordammenn mir al-
lein schadenn thut /szo hab ich mein ehre vnd leben da-
hyn gesetzt /das ich nit mit einē har /so ichs vormocht /
mich wolt auß dē freuel loszen /Ja von hertzenn gerne
schweygend von dē bepstlichen freuel vordampft were /
Aber die weil Christus spricht /wer mich bekennet für
den menschen /den werd ich bekennen für meynē vatter
vnd seinen Engel /wer sich mein schemet für den mens-
schen /des werd ich mich auch schemen für den Enges-
len gottis. Datzu ich schuldig bin einē yglichen meynē
nehesten / seine seligkeit zusehern /vnd seine ferlickeit zu-
weren /vñ ich nu gewisz bin /bepstlichen freuel vnd die
seinen /on grund vnd vsach /ia auß lautter vnuorstand
vñ yrthumb /wider die Christliche warheit handeln /
muß vnd kan ich nit schweygē /die warheit schmehen /
vñ die seelen vorsehren lassen /es gehe mir wie got wil.

Darumb wil ich hiemit einē yglichen meynē schut-
digen Christlichen dienst angepotten haben /vñ szouiel
mir zympt /yhn trewlich warnen /das er mein vorgesse /
vnd seines selb seele warnehme /sich hutte mit allē fleysz
das yhn bepstlicher freuel nit von der warheit treybe /
mit seynen vnd der seynen hochdrewlichen auffgepla-
ssen ertichten wortten /in der Bullen die man sagt new-
lich auß Rom widder doctor Luthern kommens sey.
Es sol wissen yderman /das ehr mir keynen dienst dran
thut /szo er die freuelich /ketzrisch /augenhasstige Bulle

vorachte /
te / Ich b
mich der
Ich weysz
wol sicher
meine thu
seine sterb
lichen wa

Damit
war yn er
wil ich di
vnd der B
uorantze

Sie se
szo da au
ertlich yrr
für Chri
ley artick
lich schal
Kerlich v
odder de
gantzen
für ketzr
risch /od
doch vor
treiben /
vnd doch
ffen sie so
gen /on v
Sein m
vnd furs
redten.
sach geb
etliche f
vñ ander

vorachte/widerumb kein vordiesz/ob er sie hoch achte/
Ich byn/von gottis gnadenn/frey/darff vnnd wil
mich der dinger keyniz/widder trosten noch entsetzen/
Ich weysz wol/wo mein trost vnd trotz stehet/der mir
wol sicher steht für menschē vnd teuffeln/ Ich wil das
meine thun/ein yglicher wirt für sich antwortenn/an
seinē sterben vnd Jungsten tag/vnd dan meyner trew-
lichen warnüg wol ynne werden.

Damit aber niemant sich entschuldige/er wisse nit/
waryn er sich für solchem freuel vnd yrthumb huttē sol/
wil ich die artickel in der Bullen vordampt ertzelenn/
vnd der Romischen freueler blindheit vnd boszheit zu-
vor antzeygen.

Sie schreyben in der selben Bullen/das die artickel
szo da auff einē hauffen ertzelet werden/etlich ketzrisch/
etlich yrrisch/ettlich ergerlich/etlich vorfurisch/ettlich
für Christlichē oren vnleydenlich sein/vñ also funffer-
ley artickel machen. Aber so vortzagt ist yhr eygen streff-
lich schalckhafftig gewissenn/das sie nit habenn dorfft
klarlich vñ vnterschiedlich die selben artickel ortern
odder deutten/szondern fellen ein blind vrt Eyl/in denn
gantzen hauffen/das niemandt wissen kann/wilche sie
für ketzrisch odder yrrig/odder ergerlich/odder vorfu-
risch/odder vnleydenlich wollen gehalten haben/vñnd
doch vordammen/Damit sie ein solch feyn narren spiel
treiben/das sie wollen vnterschied der artickel habenn/
vnd doch niemant die vnterscheyd lassen/szondern ho-
ffen sie sollen vñ yderman/vmb yhres vordammensz we-
gen/on vnterscheyd/alle für ketzer gehalten werdenn/
Sein mir das nit frum leut? Mit wilcher weyszheit
vnd fürsichtigkeit/sie sich selb auß zwo fertigkeiten er-
reden. Die erste/das sie nit müssen beweyssen vnd ver-
sach geben/yhres vordammensz. Die andere/das/ob sie
etliche für ketzrisch antzeygtē/nit auff's maul gedroschē
vñ anders erfunden wurden.

A iij

Doch hoff ich / solch fürsichtigkeit sol sich selber huy
bisch in der klugheit bettoren / Ich wil yhn einenn leffel
geben / das sie vorsuchen / was sie doch lallen / die lieben
Bullistenn / Den ichs acht / die Bulle sey auff einenn
trucken abent / odder in den hundts tagē / gemacht / vñ
frag sie / Szo ketzrisch vñ yrrig nit eynerley ist / so muß
gewißlich nit ketzrisch sein was do yrrig ist / sol anders
der hochberumpten Bullen meysterlich vnterschied be
stahn / Also was ergerlich ist / muß nit ketzrisch / noch
yrrig sein / vnnd so fort an kein teyl des vnterschieds /
mag das ander sein / es were sonst keinn vnterscheid.
Nu ist das ye offentlich war / was nit ketzrisch ist / das
ist Christlich / vnd gotlich / dan Catholicū et hereticū /
das ist / Christlich vnd ketzrisch / sein widdereinander
on mittel / wie Christus sagt / wer nit mit mir ist / d ist
widder mich. Item / was nit widder euch ist / das ist
fur euch / darumb / was nit ketzrisch wirt gescholtenn /
das ist schon als Christlich gelobet / seyntemal / kein yr
thum schadet in der kirchenn / den allein der ketzrische.
Den / ob ich wol mag yrrē / so ich den Bapst fur heyl
lig halte / vnd yderman fur frum / so ist der yrthumb nit
ketzrisch noch vordamlich noch schedlich. Aber wann
man yrrige artickel vordampt / da werden nur schedlich
lere vordampt / die vnchristen vnd ketzer machen. Solt
man alle yrthumb der Christen vordampnen / es wurd
kein Christen bleyben / seintemal niemant on sund vnd
yrthumb ist. Drum ist clar / das disse Bullisten yhr
eygen wort nit vorstehn / wissen nit was sie lallen.

Ja es enget sich yhr schalckheit hyryn weiter / vnd ge
ben ein vteil vbir sich selb / das sie selbst / die allerergiste
Endchristen ketzer sein / die bey vnnd in yhn selbs / die
klar erkante warheit vordammen / vnnd zuuordammen
bereyt sein / das beweyß ich auß yhren eygen wortenn
also / Den dieweil sie yhr eygen gewissen dingt vnnd

zwingt zu
noch yrrig
ten / wie n
niß ander
die selben
halten / vn
yhre kunst
durch ber
vnd ertick
als ergerl
Christlich
eygen bek
tzere vnd
nen / die v
der vsach
War doc
engerlich
ten / vnd
vorsurer
den / den

Die v
gen wort
der bekan
furchten
hut mich
loben od
schmach
dienst / y
ein feltig
warnen /
yhem b
Vnd d
sie zu R
uorteyd

zwingt zu bekennenn / das die artickel / nit alle ketzriſch
noch yrrig ſeyn / durffenn ſie auch nit ſo hoch ſchel-
ten / wie wol ſie es gerne theten / wen ſie nit furchten ey-
niß andern. Szo geben ſie offentlich zuerkennē / das ſie
die ſelben artickel fur Chriſtlich vnd recht / ym hertzen
halten / vnd keinen mangel dran haben / den das ſie vbir-
yhre kunſt / odder widder yhre yrrige opinien ſaren / da-
durch bewegt zu haß vn̄ vordieß / ſie nit leyden mugē /
vnd ertichten newe taddel / damit ſie ſie vordampnen /
als ergerlich vnd vnleydelich / die doch war / recht vnd
Chriſtlich / vnd nit yrrig noch ketzriſch ſeyn / lauts yhrs
eygen bekentniß. Sein den nu das nit rechte heubt ke-
tzere vnd vnchriſten / die do offentlich durffen vordam-
nen / die warheit von yhn ſelbs bekant / auß keyner an-
der vrsach / den das ſie yhn vnleydlich vn̄ ergerlich ſeyn.
War doch Chriſtus alle Prophetē vnd Aposteln auch
engerlich vnd vnleydlich den hohen p̄ieſtern vnd gelere-
ten / vnd mußt auch vmb keiner andern vrsach ein ketzer
vorſurer / yrriger / freueler / gotsleſterer vordampnt wer-
den / den das er yhn vnleydlich vnd ergerlich war.

Die weyl den die Romiſchen lugner / durch yhr ey-
gen wort erfundē ſeyn / als vordampner vnd vordampner
der bekantenn warheit / warumb ſolt ich mich fur yhn
furchten / odder vngerne leyden yhr vordampnen? Ja be-
hut mich got / das mich nur ſolche leut nymmer mehr
loben odder rechtfertigen / wilchs mir were die hochſtē
ſchmach / doch hat mich drungenn / meinn ſchuldiger
dienſt / yhre ſolche ſchalckheit zu offenbarn / die armen
einſeltigen hertzen / fur dem Endtchriſtlichen giſt zu
warnen / die alles das zu vordampnen bereyt ſeyn / was
yhem blinden kopff mißſellet.

Vnd das yderman muge mit fingern greyffenn / das
ſie zu Rom / nit eine gedancken haben / die warheit zu
uorteydingen / ſondern alls mit falſchem ſchein vnd er-

h ſelber hat
einenn leſer
/ die lieben
auff einenn
gemacht / vn̄
ſt / ſo muß
/ ſol anders
terſchid be-
riſch / noch
terſchids /
terſcheyd.
iſch iſt / das
et hereticū /
ereinander
ir iſt / d iſt
iſt / das iſt
eſcholtenn /
mal / kein yr-
r ketzriſche.
ppſt fur hey-
rthumb nit
Aber wann
ur ſchედlich
ehen. Solt
en / es wurd
n ſund vnd
ulliſten yhr
allen.
itter / vnd ge
e allergeriſte
vn ſelbs / die
vordampnen
n wortten
ringt vnd

tichten wortten treyben/ Szo merck darauff/ sie geben mir selbst allesamt getzeugniß darynn/ das ich recht thā hab/ da ich den ablaß predigern widerstanden habe/ vnd bekennē/ das yhene haben vnrecht vñ falsch predigt/ das arm volck schendtlich vorfuret vnd bescheldigt/ an leyb vñ seel. Noch ist niemant zu Rom/ der die selben citiert/ bannet/ straffet/ treybet zuwidderruffen/ hie ist niemandt/ der fur die warbeit emzig ist/ da kan man keyne bullen machē/ die gehen alle frey ledig auß/ hie sein sie gnedige herren/ vnd kunden on bullen durch die finger wol sehen/ szo doch/ wen sie frum weren/ vñ die warheit recht lieb hetten/ wie sie furgeben/ solch lester predigt/ wider got/ Christū/ vnd seine mutter/ die seelen zuuorterbenn geschehen/ mit der hochsten straff/ straffen wurden.

Aber da sie selb vō mir sein antastet/ hilff got/ da ist yhener vorgessen/ da muß sich nit allein Rom/ sondern hymel vnd erdē regen/ da findt man bullen vnd bannē/ da kan man schreyben/ vnd mehr dan alle teuffel maledeyen/ Noch schreyenn sie sich auß fur hyrtē der schaff Christū/ vñ Christus vicarios/ vnangesehē/ das sie mit solchem offentlichen spiel/ yhr eygen nutz allein suchen/ die warheit vñ aller Christenheit nodt in den wind schlagen/ das sie nit hyrtten/ sonder reysfende wolffe/ offentichen auß yhren wercken erkennet werden/ vñ messen sich/ wir deutsche sollen ewiglich yhrem falsche furgeben vnd ertichten wortten folgen/ wider got vñ vnser gewissen.

Vbir das/ auff das yhe niemant mochte dian zwey ffeln/ der bosze geyst/ hab die Bullen gestellet/ so schreyben sie selb mit außgedruckten wortten/ das vordampft vnd vortrennet werden sollen auch die buchle/ da keyn yrtthumb ynnenn ist. Siehe da/ ist das nit ein Romisch stuckle/ szo sol Christus den Endtchrist stotzen/ vñ da

in einem
heraus/
gen/ soll
dan yrt
len vord
kterlich
yrthum

Man
pfaßen
das die
man sie
byn hey
prennen
in ehren
tin. De
vbir die
ffel an/
Bulle
Bissh
yrthum
bracht/
heit nit
lassen v
yrre ma
ben yh
ten yrt
gen bef
lich be

Ich
von m
gen wo
schand
selb fr
da kei

In einem falschen vorkereten syn vorstossen. Was folget
herausz/den das alle die disse Bullen haltē vnd yhr fol
gen/sollen got vnd sein wort vorleugnen/vnnd nit mehr
dan yrthumb vnd ketzerey leren. Den szo die buchle sol
len vordampt seinn/da kein yrthumb ynnen ist/wie sie
kierlich schreyben/szo musz die warheit vordampt/vnd
yrthumb bestetiget sein.

Man gibt mir schuld/ich wolle die leyen/dem bapst
paffen vnd monchen auff den halz laden. Heysset den
das die leyen vorfunet/vnnd Bapst entschuldigt/wen
man sie mit offentlichen vnuorschampten Worten/frey
hyn heysset vnd gepeut/die warheit vnnd recht lere vor
pennen/vnd die lügen vnd yrthumb auffnehmen/vnd
in ehren setzen/so vorstehe ich nit mehr deutsch noch la
tin. Den ichs biszher gehalten habe/wer die yrthumb
ybir die warheit setzt/der leugne got/vnd bett den teu
ffel an/vnnd das wil vns dieesse hochberumpte thewre
Bulle mit banlichem diemen heysen vnnd zwingenn.
Biszher haben die buben also gehandelt/das sie vns
yrthumb/mit scheyn der warheit vordeckt/haben eyn
bracht/szo das nu wil offinbar werden/vn die schalck
heit nit mag lenger sich vorpergenn/wilch sie doch nit
lassen wollē/so gibt yn got einē schwindel geyst/der sie
yrre mach/wie sie vordient haben/das sie gleich anhe
ben yhre schalckheit/mit gewalt vn offentlichen bekan
ten yrthumb vnd ketzerey zuuorfechten/vnd das yhr lū
gen bestehe/sein sie so kune/das sie vns gepieten/offent
lich bekante warheit leugnen/vnd yrthumb annehmē.

Ich habs mein tag noch nie begeret noch gewartet/
von meynen feyndē/das sie solten sich selb mit yhren ey
gen wortten szo sehendlich verratten/schmechen/vnd zu
schand machen. Was sol ich mit yhn streyten/wen sie
selb frey bekennen/vngetzwungen/das sie vordammen
da kein yrthumb ynnenn ist. Wilchs wu sie es selb nit

B

schriebē/were es ynglenblich gewesen aller welt. Aber
so sol es gahen allen die mutwilliglich widder die got
liche warheit handeln/das sie sich selb schenden vnd
blenden/wie geschrieben stehet von der gotlichen weyß
heit/das sie alle zu lugner macht/die sie wollē schende.

was were es nu wunder/ob fursten/adel/vñ leyen/
den Bapst/Bischoff/pfaffen/vnnd Munch/vbir die
kopff schlagen/vnnd zum land außziagten/ist es doch
noch nie gehoret worden in der Christenheit vnd grew
lich zuhoren/das man solt dē Christlichen volck offent
lich gepietten/warheit zuleugnen/vordammen vnd vor
pennen. Heysit das nit ketzrisch/yrig/ergerlich/vor
furisch/vnleydlichstuck alle Christlichē oren/so ist alle
ding new vorkeret. Daraus hoff ich/sey es offinbar/
das nit D. Luther/sondern der Bapst selbs/mit bis
schoffen/pfaffen vnd Munchen/durch disse lasterlich
schmachbullen/nach yhrem eygen vnfall ringen/vñ die
leyen gerne auff yhren halß laden woltē. Wilch Chri
sten hertz mag es leyden odder horen/das man yhm ge
piet offentlich/on allen schein/die warheit vorpennē/
vñ yrthumb folgē/wie diese vorfluchte/vnuoschamp
te/teuffelische Bulle thut? So hore ich wol/wenn ich
hette das Euangelii geschriben/so solt man dasselb
vorleugnen vnd vorpennē vmb meynen willen. O yhr
blinden tollē bullisten/was solt ich euch fluchen/yhr
seyt mehr dan aller maledeyung vol/das yhr vns gepiet
tet/die warheit leugnen vnd yrthumb behalten. Hiemit
will ich mich entschuldigt habenn/das ein yglicher sich
selb fursehe/vnd sich gegen der bullen wisse zuhalte/on
seiner seel schaden. Nit das ich wolt den leyen stand da
mit vbir den geystlichen stand erwecken/sondern/das
wir viel mehr fur sie bitten/das got von yhm wende sey
nen zorn/sie erlosse vō dem boszen geyst/der sie beseßen
hat/wie wir auß Christlicher trew vnnd lieb schuldig

sein. E
leyder t
S auffg
yhr ge
mert/v
ist hie
ernst b
wesen
Kan/go
N
yem

Es i
geben
Di
Kleren
berurt
gnad g
habe/
das er
willig
gesagt
vbir d
not re
dern/
wird
get/d
scheh
sie ni
ment
ren i
Bot

seyn. Es ist mehr dan gnug/ das wir erkennen/ wie sie
leyder tol vnd toricht wordē sein/ fur grossen erschreckē
vnd auffgehendē warheit/ wilch yhre starcke glētz also in
yhr gesichte stost/ das yhn grun vñ gelb fur dē augē schy
mert/ vñ nit wissen/ was sie sehen/ horen oder redē. Es
ist hie not/ das wir gegen yhn barmhertzikeit vnd nit
ernst beweyssen/ szo sie andersz wollen vō yhrem tollen
wesen abstecken/ sie haben mehr den yhn yemant thun
kan/ got helff yhn vnd vns allen/ Amen.

Nu wollen wir sehen die artickel/ wilch die elendē
yemmerlichen leut vordampft haben.

Der Erst.

Es ist ketzerey/ wan man helt/ das die sacramēt gnad
geben allen die nit einen rigel furstecken.

Viel wort sein nodt einē leyen/ dissen artickel zu vor
klaren/ vmb der sophistischen wort willen/ die darinnē
berurt sein. Kurtzlich/ sie leren also/ das die sacrament
gnad geben yderman/ ob er schon nit rew fur sein sund
habe/ oder auch kein gut gedancken/ sondern sey gnug
das er nit ein rigel fursteck. das ist/ das er nit einen mut
willigen fursatz zu sundigen habe/ dawidder hab ich
gesagt vnd noch sag/ es sey yrrig vnd ketzrisch/ dē es ist
ybir den abgethanen rigel vnd boszen fursatz nit allein
not rew fur die sund/ das sacrament zuempfaben/ son
dern/ es musz auch ein glaub da sein/ der das sacramēt
wirdt iglich empfabē/ die weil sanct Paul Ro. xiiij. sa
get/ das alle ding sund sein/ die nit auß dem glaubē ge
schehen/ den selben grossen rigel des vnglaubens sehen
sie nit vnd vordammen rew vnd glauben/ zu den sacra
menten/ was sein mir das fur Christen? datzu bewei
sen sie nichts/ haben auch nichts fur sich/ wider mich/
Got erbarm sich ybir solch blind/ elend leut.

B ij

Der andere.

Wer do leugnet/das noch der tauff in einē yglichen Kind bleyb die sund/der vntertrit Christum vnd sanct Paul.

Wie listig ist die boszheit/vnd bosz ist die list/das sie auß lautter hasz/nur zum scheynn/meinn wort nit alle recht setzen/auff das sie was zuvordammen haben/dazu die elenden leut wissen wol/das diszer artickel/wen sie yhn recht setzen/nit mein/sondern sanct Augustin vñ Paul ist/die do leren/das die tauff ablegt alle sund noch der schult/aber nit noch dem wesenn. Es bleybt sund da/wie wir alle fulen/wen wir zur vornunfft kömen/aber got wil sie vmb der tauff willen nit rechnen/szo wir widder sie streyten/wie ich ym sermon von der tauff gesagt/aber sie wissen nit was sund/gnad/tauff/schuld/odder got ist/Drumb vordammen sie einhynn die elenden/blindē Sophistē/Bleybt nit sund in vnß nach der tauff/wo widder streyttē wir dan mit fasten/betten/vnd ander vbungen?

Sermon
von der b. x. /
m

Der dritte.

Der tzunder der Erbsunde/ ob schon keinn wircklich sund da sey/hindert doch dē eingang des hymelreichs.

Die vorgeante noch bleybēde sund/nach der tauff heist man ein tzunder/darumb das sie leicht wirt entzundet zu boszen gedanckenn. Die selb muß auch reyn auß vnd erstorben sein/ehe wir gen hymel künmen/dē es muß allis außgefegt werdenn/was vnß angepon ist von Adam. Aber meine bullisten/sagenn neyn/vor messen sich in den hymel zukömen/mit dem selben boszen zunder vñ alten Adā/das sie ia auch etwas vnflats ym hymel habē/ dauon sie stincken mugē. drumb muß ich vordampt sein/Sie sollens aber wol ynne werdē.

Die v
ein gr
segfer
Sa
nit vo
furch
Joha
doch
tollen
odder
peynl
segfer
dunc
kät h
sich z
den i

alten
beich
D
der g
kein
das
steht
ableg
der
ffeln
lich
trog
lisch

Der vierde.

Die vnuoltkōmend liebe gottis ym sterbē/ hat mit yhr
ein grosse forcht/wilche forcht/wol allein mocht einn
segefwor sein/vñ hyndern den eingang des hymels.

Sanct Johānes spricht/wo furcht ist/da ist die lieb
nit volkommend/den volkommend lieb treybt auß die
furcht/den die furcht ist peynlich. Disse heylige wort
Johannis sagen eben das diszer artickel/vñnd müssen
doch vmb meynen willen vordampft werden/von den
tollen groben kopffen/die nit wissen was sie leszen sagē
odder horen. On das wo Johannes sagt/die furcht ist
peynlich/da hab ich dartzu than/die furcht muge einn
segefwor sein/wilchs ich doch ein wahn vnd meynsz be
duncks/nit halsterrick gesagt hab/den ich viel mal be
kāt hab/ich wisse nit wie es ym segefwor zugabt/wie sie
sich zu wissen vormessen/szo sie weniger drumb wissen/
den ich/ich weysz yhe mehr drumb wen sie.

Der funffte.

Es ist nit gegründet in der schrift vnd den heyligen
altenn lerern/das die pusz hab drey stuck/die rew/die
beicht/vnd die gnugthuung.

Diszer artickel acht ich sey darumb vordampft/das
der geitz nit hungersz sterb/sont mugenn sie warlich
kein ander vsach selb antzeygē. Den wo die gnugthuung
das dritte teyl d pusz/bliebe stahn/wie sie in der schrift
steht/das wo sie got aufflegt vnd soddert/niemāt kan
ablegenn/szo erfund sichs/das alle das affenspiel das
der Bapst/bischoff/pfaffen/vnd munch/mit den schlu
sseln/ablas/bullen/brieffeln/vorbehalten sellen. Kurtz
lich/der gantz Romisch Jarmarekt/der die welt be
trogen vnd vorschlungen hat/wurden als falsch/teuffe
lich/Endtchristisch yrthum/triegererey/vorsurüg aller

menschen/offentlich erkant. Darumb solch schand zu decken/ ist warlich not gewesen/ hie einen starcken deckel suchen/ vund weren das des Romischen Jar marcets buberey nit an tag kumme. furwar D. Luther ist blllich ein ketzer/ das er solch heymlich schalckheit nit denn gelereten in den schulenn leffit/sondern/ bringts auch fur die leyenn ynß deutsch/ wilchenn nit zympt zu wissen die warheit zu yhr selen seligkeit.

Das euch Romischen haben got gepietete/ wie narret yhr vns arm leut/ vmb vnser gut/ ehre vnd seligkeit/ vnd wollet des noch rhum vnd ehre bey vns dartzu haben/ yhr ringet darnach/ das yhr auff die kopff geschlagen vnd voragt werdet. Ich hab also geleret/ das rew vnd beicht sey nit gnug/ sondern der glaub muß auch da sein. Aber die gnugthuung/ die man mit Ablass ablegen kan/ ist in der schrifft nit gegrund/ sondern von den prelaten auffgelegt/ wilch sie mugen auch ablegen. Ich wil hie schweygen/ dan sie das wortlin Contritio auß der schrifft genumen/ auff die rew deutet haben/ so es viel ein anders heysset. Kurtzlich/ das ich mehr sag den ich noch yhe gesagt habe/ So spreich ich/ das alle drey stuck/ Contritio/ Confessio/ Satisfactio/ auff yhre weysze vorstanden/ an keinem ort der schrifft steht/ trotz das sie es antzeygen/ Sie wissen eben soviel von der schrifft/ als die ganz vom psalter.

Der Sechst.

Die rew/ die man zubereyt durch erforschem/ betrachtig vnd haß der sunden/ wen ein sunder mit bitterkeit seynts hertzen seine zeit bedenckt/ der sund grosse/ mennige vnd vnflut/ bewigt/ dartzu die vorlust ewiger seligkeit/ vund gewinst ewiger dampnis/ die macht einen heuchler/ vnd einen grossern sunder.

Bleib
zeugt/ v
nig seug
getzich
von der
solt auß
auch sel
Vund r
keit/w
macht n
nit d ge

War
sie bissh
Nym
ist die b
Ist d
yglische
rew gel
vnd fra
dem B
Rew le
tes keu
schaden

Ny
auch ni
kennen
chen v
St
reglich
muß es

Bleich wie auß der schönen Rosen die spyne gifte
zeugt/vnd sie vorsehret/darauß das frum bienlin hon-
nig seugt vnno:sehret/also haben die elenden schlangen
getzichte (wie sie Christus nennet) meinem Sermon
von der pusz auch than/daryn ich hab geleret/die rew
solt auß lieb vnd lust der gerechtikeit kummen/wie sie
auch selbst schreyben vnd leren/vnd doch nit vorstehen.
Vnd wo die liebe nit ist/da bleybt haß der gerechtis-
ekeit/wo der bleybt/da ist die rew ertichtet/falsch/vnd
macht nur heuchler/ia grosser sunder/darumb das sie
nit d gerechtikeit zu lieb busset/wie Judas busse war.

Der Siebend.

War ist das sprichwort/vnnd besser dan alle lere die
sie bissher vonn der rew habenn geleret/das man sagt/
Nimmer thun ist die hochste busse/vnd ein new leben
ist die beste busz/odder vmbkeren ist das beste.

Ist der artickel wol vnd recht vordampt/laß ich ein
yglichen leyen richtē/Sie habē noch nie so wol vō der
rew geleret/als die sprichwort thun/das bekē ich nach
vnd frag nichts darnach/das sie die beste busz achten/
dem Papsst vnnd yhn gelt geben fur yhre losze brieffe.
Rew leßit sich nit keuffen/wer sie aber hat/darff nich-
tes keuffen/Aber das wurd dē heylligen stuel zu Rom
schaden thun.

Der Achte.

Nym dyrsz nit fur/alle teglich sund zubeichten/Ja
auch nit alle todsund/den alle todsund mag niemant er-
kennen/vnnd vortzeytten beichtēt man nur die offentli-
chen vnd bewuste todsund.

Etliche da/die tollē elenden kopff sagenn selbs/das
teglich sund seyn nit zubeichten/vñ weil ichs auch sag/
muß es vordampt sein. Item sie sagenn selbs/das nie-

niant eygentlich wissen alle tod sund / darumb sie auch
nit beychten kan. Das ist auch war / aber nu ichs auch
sag / so ist's ketzrisch. Mein David ist auch mit mir hie
vordampt / da er sagt / Herr mach mich reyn / von mey-
nen heymlichen sundē / Den wer ist der / der alle sundē
erkennt?

Aufz diszen vnnnd andern stucken / mag ein yeglicher
wol mercken / das disze Bulle sey gemacht von vn syn-
nigen rasenden geysten / odder von dem heubt aller bosz-
heit dem Endchrist. Wer mag's glauben / das sie eyne
artickele vorstanden vnd recht vordampt haben / wen sie
so gar offentlich yrren vnnnd narren / das auch die kin-
der vnd narren mercken mugen.

der Freund.

Wen wir furnehmen alle sund reyn aufz zubeychten /
so thun wir nit anders / den das wir der gotliche barm-
hertzikeit wollen nichts lassen / das sie vorgebe.

Das musz auch vordampt sein / so es doch sanct
Paul / sanct Augustin / auch Johan. Berson leret / Es
musz yhe also sein / das wir der gotliche gnade viel sand
lassen / die wir nit erkennen vnnnd beychten kunden / wie
sie selbs sagen / vonn den vorgessenen vnd vn bewustean
sunden. Noch lallen sie widder sich selbs / vnd vordam-
nen dasselb in disser Bullen / vnd treyben vns dahyn /
das wir alle sund berewen / bussen / betzalen sollen / das
sie wol wissen vnmuglich sein / on das es viel gelt tregt /
Was vorgibt got / wē wir fur alle sund gnug thun ? was
ist's fur ein gnad die nichts vmbsonst vorgibt? Sibe so
machenn sie einen trewdel man aufz got / vnnnd aufz der
gnad ein gestrenge gerichte / vnd nehmen dennoch vn-
ser gut vnd ehre / fur solch teuffelisch vorleytunge / vor-
damnen yhre eygen bekāte warheit / das wir yhe nichts
rechts von yhn lernen sollenn.

Nlema
yhm vo
Ja die
sein / de
einfluss
geben s
Sibe
Christ
lich dir
wirt / v
chen gl
das di
von dē
got stre
seel mo
dē sage
an got
den gl
wilch
liebe
glaub
heylig
W
hette g
bosz
sten / d
Ertze
wolt
glaub
den w
Tur
niem

Der zehend.

Nemant sein die sund vorgeben / er glaub dan / das sie yhm vorgeben werdē / wen yhn der p̄fester absoluiert. Ja die sund bliebe / so er nit glaubt / das sie vorgebenn sein / den es ist nit gnug / die vorgebung vnd der gnaden einfluß / sondern man muß glauben / das die sund vorgeben sey.

Sihe da du almechtiger got / Sehet da / alle frumme Christen / ist das nit ein erbermlich / grewlich / schrecklich ding / das der Christliche glaub öffentlich vordäp̄t wirt / vō denen / die sich meyster rhumen / des Christlichen glaubens. Sie geben für / wir sollen nit glauben / das die sund vorgeben seyn / wen wir absoluiert werden von dē p̄fester / yhe was sollen wir dan thun / das euch got straff yhr Romischen Endchristischen huben vñ seel morder? was gebt yhr für vns zulernen? Sollē wir dē sagen zu dē p̄fester / wen er vns absoluiert du leugst an gotis stat / vnd got mit dir. Warumb heysst yhr vns den glauben ewrn loszen Bullen vñ ablas brieffen / wilch yhr in des teuffels namen vorkaufft? Na hoiet zu liebē Christen / etwas news vō Rom / der artickel des glaubens ist vordamp̄t / da wir alle sagē / ich glaub in dē heyligen geyst / ein christliche kirche / vorgebüg der sund.

Wen ich wußt / das disse bullen der P̄p̄st zu Rom hette gebē / vñ nit ertichtet were / von dē ertzlugner vnd boßwicht D. Ecken / so wolt ich ruffen zu allen Christen / das sie den p̄p̄st nit anderst hielten / den dē rechtē Ertzendchrist / dauon alle schrifft sagen / vnd wo er nit wolt auff horen / vns also vnuorschampt öffentlich dē glauben zuuorpietē / das das weltlich schwerd mit freuden widderstunde / mehr den keinē Turckenn / den der Turck lessit doch glaubenn wer do wil / der P̄p̄st wil niemant lassen glauben. Helff nu wer sich ein Christen

helt vnd stehe bey seinē glaubē vnd allen armen einfel-
tigen seelenn / die durch solche grosse seel morder vnd
wolffe zum tod vnd vordampniß gesucht werden. Ich
meyn yhe sie berweysen hie redlich / was sie ym syn habē
vnd wie sie Christū ehren.

Der Eylft.

Du solt yhe nit vortrawenn / das du absoluiert wer-
dist / vmb deiner rew willen / sondern vmb des worts
Christi willen / da er sagt zu Petro / was du wirst auff
binden sol auffgepunden sein. Die sag ich / so du absol-
uiert wirst vom priester / soltu festiglich glaubē / das du
absoluiert seyest / so bistu gewiß absoluiert / es sey mit
deyner rew wie es mag.

Das geht aber yber den glaubē / den ich hab geleret /
die rew / beicht vñ buß sey nit gnug / d̄ glaub / das beste
stuck / muß auch da sein. Wer wolt doch beichten oder
bussen / wen er nit solt glaubē / das yhm die sund vorge-
ben wordē. was wolt vñ solt ein priester thun / wen ich
kem vñ sprech / Herr ich hab also gesündigt vnd ist mir
leyd / ich glaub aber nit / das ich absoluiert werde von
euch / Er wurd freylich dencken / ich were vnynnig /
Noch gepeut vns disse laster bulle also zuthun. Es kan
yhe niemant vmb seiner rew willen absoluiert werden /
Es were sonst Judas / teuffel / vñ alle vordapten lengist
absoluiert / sondern allein vmb des glaubēs willen wer-
den wir absoluiert. Auß du vorfluchte vordampete bulle /
du hast mehr den tausent feur verdienet.

Der zwelffte.

wen es muglich were / das yemand kund besche on
rew / oder so ein priester leichtfertig oder schertzēd yhn
absoluiert / so er doch glaubt er sey absoluiert / so ist er ge-
wißlich absoluiert.

Das
glaub
glaub
doch
geschle
gewalt
Aber d
auff yh
den / w
stlicher
erlogen
Vnd v
zuuo: i
schiff
Endt
damp
nennen
nen an
zuschr
vnuor
mit sie
fussen
seinē
acht v
zuleyd
besser
vorwa
teuffe
wirt d
datzu
straffe
seynd
rechte
yema
habe

Das hab ich gesagt/antzutzeygē/wie not vnd nutz d̄
glaub sey in d̄ buß/wie wol es nit muglich ist/das der
glaub on rew sey/wen es aber muglich were/so were er
doch allein gnug. dē Christ⁹ sagt/was yhr glaubt das
geschlecht euch. Es stet nit in des p̄iesters glaubē oder
gewalt/sondern in meinē glaubē was ich erlangen sol.
Aber die baben/die gerne woltē das v̄aser trost v̄n heil
auff yhnen stund/das sie vns mochtē schindē v̄n schen/
den/wie sie bißher than habē/vordamnē solchen Chri
stlichen glaubē/vnd stellen alle ding auff yhre ertichte
erlogene gewalt.


Vnd was ist's not/das ich alle artickel ertzele/so ich sie
zuuor in meinē buchle habe lassen/mit guttē grund der
schriffte/ausgahē/datzu die tolle vngelarte/lestrige vnd
Endchristische bulle/nit allein on grund alle ding vor/
dampft/sondern auch nit mag einē artickel antzeygē v̄n
nennen/der ketzrisch oder yrrig sey. v̄n wen sie schon kei
nen andern mangel het/so ist der eynige altzu grōß vnd
zuschwere/das sie dē christlichen glaubē offentlig v̄n
vnuorschampt leugnet/vordāpt vnd ketzrisch strafft/da
mit sie vordnenet/das alle warhafftige Christen sie mit
fussen tretten/v̄n dē Romischen Endchrist v̄n D. Ecken
seinē Apostel/mit schwefel v̄n feur heym senden. Ich
acht wol das ich nit würdig bin dē tod oder ander leyd
zuleydē v̄bir der vorfluchtē bulle/was mocht mir sonst
bessers begegē? Darumb wil ich hiemit einē yderman
vorwaret v̄n vorwarnet haben/das er sich fur solchen
teuffeln fursche/v̄n wil ein zeychē geben/nemlich das/
wirt d̄ bapst disse bull: nit w̄derruffen v̄n vordammen/
datzu D. Ecken mit seinē gesellen/solcher Bullē folger/
straffen/so sol niemāt d̄ran zweyffeln/d̄ bapst sey gotis
seynd/Christ⁹ vorfolger/d̄ christehelt vorstorer/v̄n der
rechte Endchrist. den bißher ist's noch nie gehoret/das
yemant dē Christliche glaubē offentlig bek̄ät/vordāpt
habe/wie disse hellische vorfluchte bulle thut.

Faint, illegible text, likely bleed-through from the reverse side of the page.

A







Faint, illegible handwritten text on the top section of the spine.

Faint, illegible handwritten text on the second section of the spine.

947
9698-B










Widder die Bullen des End-
chriſts: Doctor Marti-
nus Luther.



Im